

ՀԱՅ ԱՌԱՔԵԼԱԿԱՆ ԵԿԵՂԵՑԻՆ՝ ԱՐԵՎԵԼՅԱՆ ՌԻՂԱՓԱՌ ԵՎ ԲԱՐԵԿԱՐԳՅԱԼ ԵԿԵՂԵՑԻՆԵՐԻ ԵՐԿԽՈՍՈՒԹՅԱՆ ՄԱՍՆԱԿԻՑ

Հունվար ամսին ԱՄՆ-ի Վիրջինիա նահանգի Ռիչմոնդ քաղաքում, Միացյալ Աստվածաբանական ճեմարանում և Քրիստոնեական Ղաստիարակության Պրեսբիտերյան դպրոցում, տեղի ունեցավ Արևելյան Ուղղափառ Եկեղեցիների և Բարեկարգյալ բողոքական Եկեղեցիների Քամաշխարհային միության ներկայացուցիչների համատեղ ժողովը, որին մասնակցում էր նաև Հայ Առաքելական Եկեղեցին: Ուղղափառ Եկեղեցիներից մասնակցում էին նաև Անտիոքի Սիրիական, Եգիպտոսի Ղպտի և Հնդկաստանի Մալաբար ուղղափառ Եկեղեցիների ներկայացուցիչները: Բարեկոխյալ Եկեղեցիները ներկայացնում էին Չեխիայի, Լիբանանի, Հնդկաստանի, Օտտյանդիայի և ԱՄՆ-ի պատգամավորները: Ժողովը նախագահում էին Բարեկարգյալ Եկեղեցիների Քամաշխարհային միության գլխավոր քարտուղար դոկտ. Միլան Օպոսեմսկին և Տ. Վիգեն եպս. Ալքազյանը՝ Մայր Աթոռ Ս. Էջմիածնից:

Միջեկեղեցական թվով չորրորդ այս հանդիպման նպատակը երկխոսության միջոցով Եկեղեցիների միջև փոխըմբռնման խորացումն էր:

Քրիստոսաբանության, Ա. Գրքի և ավանդության, Եկեղեցու բնույթի և առաքելության հարցերի շուրջ ծավալված երկխոսության արդյունքում ընդունվեց մի փաստաթուղթ, որը Ռիմք կհամդիսանա Ռետագա երկխոսության համար: Այն տեղի կունենա մեկ տարի անց՝ 1999 թ. հունվարին, Ս. Եփրեմի աստվածաբանական ճեմարանում (Ղամասկոս):